

宋元學案

涑水學案表

司馬光

子康

孫植

別見百源學案

古靈同調

從子宏

子朴

孫通國

劉安世

別爲元城學案

范祖禹

別爲華陽學案

晁說之

別爲景迂學案

歐陽中立

樊資深

田述古

別見安定學案

尹材

從子焯

別爲和靖學案

張雲卿

宋元學案卷八

七表

李陶

邢居實

別見安定學案

牛師德

別見百源學案

私陳雍

別為陳鄒諸儒學案

唐廣仁

別見陳鄒諸儒學案

黃隱

陸賀

曾孫輔

子九思

子九阜

劉堯夫

別見槐堂諸儒學案

子九韶

子九齡並為

校山復齋學案

子九淵別為

象山學案

朱松別見豫章學案

李燾子壁

並涑水續傳子壘並見

諸儒學案

邵雍別為百源學案

張載別為橫渠學案

程顥 別爲明道學案

程頤 別爲伊川學案

陳舜俞 別見安定學案

並涑水講友

劉恕 子義仲

劉攽 別見廬陵學案

並涑水學侶

呂誨

范鎮 別爲范呂諸儒學案

呂公著 別爲范呂諸儒學案

李常 別見范呂諸儒學案

趙瞻

傅堯俞

孫固

——子朴

李周

並涑水同調

宋元學案卷七

鄞縣全祖望補本

後學慈谿馮雲濠校刊

鄞縣王梓材重校

道州何紹基重刊

涑水學案上

祖望謹案小程子謂閤人多矣不雜者司馬邵張三人耳故朱子有六先生之目然于涑水微嫌其格物之未精于百源微嫌其持敬之有歉伊洛淵源錄中遂祧之草廬因是敢謂涑水尚在不著不察之列有是哉其妄也述涑水學案梓材案涑水學案梨洲原本已佚謝山補定分爲兩卷彙亦無存茲特采錄迂書而以疑孟潛虛足之至謝山所補門人小傳則其彙尚存

古靈同調

文正司馬涑水先生光

司馬光字君實陝州夏縣人也父池天章間待制先生七歲時
凜然如成人聞講左氏春秋愛之退爲家人講卽了其大指羣
兒戲于庭一兒登甕沒水中先生持石擊甕破之水迸兒得活
其後京洛閒畫以爲圖仁宗寶元初中進士甲科年甫冠性不
喜華靡閑喜宴獨不戴花同列曰君賜不可違乃簪一枝歷官
直祕閣開封府推官交趾貢異獸謂之麟先生言眞僞不可知
且非自至不足爲瑞願還其獻又奏賦以風修起居注判禮部
未幾同知諫院仁宗不豫國嗣未立諫官范公鎮首發其議先
生在并州聞而繼之且貽書勸范公以死爭至是復面言臣昔

通判并州所上三章願陛下果斷力行疏再上帝大感動遂立英宗爲皇子進知制誥固辭改天章閣待制兼侍講英宗立詔兩制集議濮王典禮先生曰爲人後者爲之子不得顧私親議上與大臣意殊御史六人爭之力皆斥去先生請與俱貶不許進龍圖閣直學士神宗卽位擢爲翰林學士先生力辭帝曰卿有文學何辭爲對曰臣不能爲四六帝曰如兩漢制詔可也竟不獲辭上疏論君德曰仁曰明曰武論治道曰官人曰信賞曰必罰其說甚備且曰臣平生力學所得盡在是矣先生常患歷代史繁人主不能徧覽遂爲通志八卷以獻英宗悅之命置局續其書至是神宗名之曰資治通鑑自製序授之俾日進讀河朔旱傷執政以國用不足乞南郊勿賜金帛先生曰救災節用

宜自貴近始與安石爭議不已會安石草詔引常袞辭祿事責兩府兩府不敢復辭安石得政行新法先生逆疏其利害邇英進讀至曹參代蕭何事帝曰漢守蕭何之法不變可乎對曰寧獨漢也使三代之君常守禹湯文武之法雖至今存可也侍講吳申以先生言是帝亦欲用先生訪之安石安石曰光外託廟上之名內懷附下之實苟在高位則異論之人倚以爲重韓信立漢赤幟趙卒氣奪今用光是與異論者立赤幟也安石以韓魏公上疏臥家求退帝乃拜先生樞密副使先生辭曰陛下徒榮以祿位不取其言是以大官私非其人也陛下誠能罷新法雖不用臣臣受賜多矣抗章至七八帝猶未允安石起視事先生乃得請遂去以端明殿學士知永興軍徙知許州趣入覲

不赴請判西京御史臺歸洛自是絕口不論事求言詔下先生感泣欲默不忍乃復陳六事又移書責宰相吳充帝欲復用先生蔡確沮之帝謂資治通鑑賢于荀悅漢紀數促使終篇及成加資政殿學士凡居洛十五年天下以爲眞宰相田夫野老皆號爲司馬相公婦人孺子亦知爲君實也帝崩赴闕臨衛士望見皆以手加額所至民遮道聚觀曰公無歸洛留相天子活百姓哲宗立太皇太后遣使問所當先先生請開言路詔榜朝堂大臣有不悅者爲設六語云若此者罪無赦后以示先生先生曰此非求諫乃拒諫也改詔行之先生又奏修身治國之要其目各有三卽仁宗朝所陳者而英宗神宗初立嘗以爲獻茲乃復申其說起知陳州過關留爲門下侍郎元祐初病作時青苗

免役將官之法猶在先生折簡與呂申公云光以身付醫以家事付愚子惟國事未有所託今以屬公乃論免役五害乞直降敕罷之又立十科薦士法皆從之拜尚書左僕射兼門下侍郎遂罷青苗復常平法是時兩宮虛己以聽遼夏使至必問先生起居敕邊吏曰中國相司馬矣毋輕生事開邊隙海內之民得離新法之苦歎若更生君子稱其有旋乾轉坤之功云先生自見言行計從欲以身殉社稷賓客憫其體羸謂宜少節煩勞先生曰死生命也爲之益力病革不復自覺諄諄如夢中語然皆朝廷天下大事也是年九月卒年六十八太皇太后聞之慟與帝臨喪從以一品禮服賻特厚贈太師溫國公諡文正賜牌曰忠清粹德京師人罷市往弔鬻衣以致奠巷哭以過車嶺南封

州父老亦相率具祭四方皆畫像以祀飲食必祝先生孝友忠
信恭儉正直居處有法動作有禮其兄太中大夫旦年將八十
奉之如嚴父保之如嬰兒自少至老語未嘗妄自言吾無過人
但平生所爲未嘗有不可對人者天下敬信陝洛間化其德有
不善曰君實得無知之乎于學無所不通惟不喜釋老曰其微
言不能出吾書其誕吾不信也文集八十卷他著述二十種五
百餘卷雲濠案先生遺文名傳家集東坡爲先生行狀稱文集
八十卷外有資治通鑑三百二十四卷考異三十卷歷
年圖七卷通歷八十卷稽古錄二十卷本朝百官公卿表六卷
翰林詞草三卷注古文孝經一卷易說三卷注繫辭二卷注老
子道德論二卷注太玄經八卷大學中庸義一卷注楊子十三
卷文中子傳一卷河水諸日三卷書儀八卷家範四卷續詩話
一卷遊山行記十二卷醫問七篇又潛虛一卷
未及謝山學案劄記溫公易傳三卷又一卷紹聖初御史周
秩論其誣謗先帝惇卞請發冢斲棺詔奪贈諡卞所立碑惇言

不已連追貶崖州司戶參軍徽宗立復太子太保蔡京擅政復降正議大夫京撰姦黨碑令郡國皆刻石長安石工安民辭曰司馬相公者海內稱其正直今謂之姦邪不忍刻也府官欲加罪泣曰乞免鐫安民二字于石末恐得罪後世聞者媿之靖康初還贈諡建炎中祀饗哲宗廟庭咸淳中從祀于孔廟明嘉靖中祀稱先儒司馬子子康

參史傳

溫公迂書

夫樹木樹之一年而伐之足以給薪蘇而已三年而伐之則足以爲桶五年而伐之則足以爲楹十年而伐之則足以爲棟豈非收功愈遠而爲利愈大乎

釋迂

或曰夫士者當美國家利百姓功施當時澤及後世豈獨齷齪

然謹司其分不敢失隕而已乎曰非謂其然也智慧勇怯貴賤
貧富天之分也君明臣忠父慈子孝人之分也脩天之分必有
天災失人之分必有人殃堯舜禹湯文武勤勞天下周公輔相
致太平孔子以詩書禮樂教洙泗顏淵簞食瓢飲安于陋巷雖
德業異守出處異趣如此其遠也何嘗舍其分而妄爲哉士則
言不可不重也子不見鐘鼓乎夫鐘鼓叩之然後鳴鏗訇鏜鞳
人不以爲異也若不叩自鳴人孰不謂之祆邪可以言而不言
猶叩之而不鳴也亦爲廢鐘鼓矣言戒

或曰蘧伯玉五十而知四十九年非信乎曰何啻其然也古之
君子好學者有垂死而知其未死之前所爲非者況五十乎夫
道如山也愈升而愈高如路也愈行而愈遠學者亦盡其力而

止耳自非聖人有能窮其高遠者哉

知非

易曰窮理盡性以至于命世之高論者競爲幽僻之語以欺人使人踳齟而不可及憤替而不能知則盡而舍之其實奚遠哉是不是理也才不才性也遇不遇命也

理性命

迂叟事親無以踰人能不欺而已矣其事君亦然

事親

寬而疾惡嚴而原情政之善者也

寬猛

或問子能無心乎迂叟曰不能若夫回心則庶幾矣何謂回心曰去惡而從善舍非而從是人或知之而不能徙以爲如制騁馬如幹礮石之難也靜而思之在我而已如轉戶樞何難之有

回心

言而無益不若勿言爲而無益不若勿爲余久知之病未能行

也無益

學者所以求治心也學雖多而心不治何以學爲

學要

小人治迹君子治心

治心

或問子絕四何以始于毋意迂叟曰吉凶悔吝未有不生乎事者也事之生未有不本乎意者也意必自欲欲既立于此矣于是乎有從有違從則有喜有樂有愛違則有怒有哀有惡此人之常情也愛實生貪惡實生暴貪暴惡之大者也是以聖人除其萌塞其原惡奚自而至哉或曰無意于惡既聞矣敢問聖人亦無意于善乎曰不然聖人之爲善豈有意乎其閒哉事至而應之以禮義耳禮者履也循禮則事無不行義者宜也守義則事無不得聖人執禮義以待事不爲善而善至矣聖人豈有意

乎其間哉或曰毋固毋必奚以異乎曰在我爲固在人爲必聖
人出處語默唯義所在無可無不可奚其固成敗禍福繫命所
遭誰得而知之奚其必或曰然則何以終于毋我曰有意有必
有固則有我有我則私私實生蔽無意無必無固則無我無我
則公公實生明

絕四

人情若厭其所有羨其所不可得未得則羨已得則厭厭而求

新則爲惡無不至矣

羨厭

治心以正保躬以靜進退有義得失有命守道在己成功則天
夫復何爲莫非自然

無爲贊

或曰莊子之文人不能爲也曰君子之學爲道乎爲文乎夫唯
文勝而道不至者君子惡諸是猶朽屋而塗丹雘不可處也

井而糝綺縠不可履也烏喙而漬飴糖不可嘗也而子獨嗜之
乎或曰莊子之辯雖當世宿學不能自解曰然則佞人也堯之
所畏舜之所難孔子之所惡是青蠅之變白黑者也而子獨悅
之乎 斥荊

或曰有人于此人指其過而告之則喜何如曰君子也或又曰
曷若無過而指諸曰君子履中正而行者也故有過則人得而
指諸若夫不中不正之人終日所爲皆過也又安得而指之 指
過

鞠躬便辟不足爲恭長號流涕不足爲哀敝衣糲食不足爲儉
三者以之欺人可矣感人則未也君子所以感人者其惟誠乎
欺人者不旋踵人必知之感人者益久而人益信之 三欺

溫公疑孟

附朱子讀余隱之尊孟辨

孟子稱所願學者孔子然則君子之行孰先于孔子孔子歷聘七十餘國皆以道不合而去豈非非其君不事乎孺悲欲見孔子孔子辭以疾豈非非其友不友乎陽貨爲政于魯孔子不肯仕豈非不立于惡人之朝乎爲定哀之臣豈非不羞汚君乎爲委吏爲乘田豈非不卑小官乎舉世莫知之不怨天不尤人豈非遺佚而不怨乎飲水曲肱樂在其中豈非陋窮而不憫乎居鄉黨恂恂似不能言豈非由由然與之偕而不自失乎是故君子邦有道則見邦無道則隱事其大夫之賢者友其士之仁者非隘也和而不同遯世无悶非不恭也苟無失其中雖孔子由之何得云君子不由乎

辯曰孟子曰伯夷隘柳下惠不恭隘與不恭君子不由原孟子之言非是瑕疵夷惠也而清和之弊必至于此蓋以一于清其流必至于隘一于和其流必至于不恭其弊如是君子豈由之乎苟得其中雖聖人亦由之矣觀吾孔子之行時平清而清時平和而和仕止久速當其可而已是乃所謂時中也是聖人之時者也詎可與夷惠同日而語哉或謂伯夷制行以清柳下制行以和求時之弊不得不然亦非知夷惠者苟有心于制行則清也和也豈得至于聖哉夷之清惠之和蓋出于天性之自然特立獨行而不變遂臻其極致此其所以爲聖之清聖之和也孟子固嘗以百世之師許之矣慮後之學者慕其清和而失之偏于是立言深揅清和之弊大有

功于名教疑之者誤矣

朱子曰觀吾孔子之行時乎清而清時乎和而和仕止久速當其可而已是乃所謂時中也是聖人之時者也詎可與夷惠同日而語哉四十九字愚欲刪去而補之曰然此不待別求左驗而是非乃明也姑卽溫公之所援以爲說者論之固已曉然矣如溫公之說豈非吾夫子一人之身而兼二子之長歟然則時乎清而非一于清矣是以清而不隘時乎和而非一于和矣是以和而未嘗不恭其曰聖之時者如四時之運溫涼寒燠各以其序非若伯夷之清則一于寒涼柳下惠之和則一于溫燠而不能相通也以是言之則是溫公之所援以爲說者乃所以助孟子而非攻也又曰苟有心于制行

至章末愚欲刪去而易之曰使夷惠有心于制行則方且勉強修爲之不暇尚何以爲聖人之清和也歟彼其清且和也蓋得于不思不勉之自然是以特立獨行終其身而不變此孟子所以直以爲聖人而有同于孔子也又恐後之學者慕其清和而失之一偏于是立言以掄其末流之弊而又曰乃所願則學孔子也其抑揚開示至深切矣亦何疑之有

仲子以兄之祿爲不義之祿蓋謂不以其道事君而得之也以兄之室爲不義之室蓋謂不以其道取于人而成之也仲子蓋嘗諫其兄矣而兄不用也仲子之志以爲吾既知其不義矣然且食而居之是口非之而身享之也故避之居于於陵於陵之室與粟身織屨妻辟纊而得之也非不義也豈當更問其築與

種者誰歟以所食之鷄兄所受之饋也故哇之豈以母則不食以妻則食之邪君子之責人當探其情仲子之避兄離母豈所願邪若仲子者誠非中行亦狷者有所不爲也孟子過之何其甚邪

辯曰陳仲子弗居不義之室弗食不義之祿夫孰得而非之居于於陵以彰兄之過與妻同處而離其母人則不爲也而謂仲子避兄離母豈所願邪殊不曉其說仲子之兄非不友孰使之避仲子之母非不慈孰使之離烏得謂之豈所願邪仲子齊之世家萬鍾之祿世有之矣不知何爲諫其兄以其祿與室爲不義而弗食弗居也謂仲子爲狷者有所不爲避兄離母可謂狷乎孟子深闢之者以離母則不孝避兄則不

恭也使仲子之道行則天下之人不知義之所在謂兄可避母可離其害教也大矣孟子之言履霜之戒也歟

朱子曰溫公云仲子嘗諫其兄而兄不用然且食而居之是口非之而身享之也故避之又曰仲子狷者有所不爲者也愚謂口非之而身享之一時之小嫌狷者之不爲一身之小節至于父子兄弟乃人之大倫天地之大義一日去之則禽獸夷狄矣雖復謹小嫌守小節亦將安所施哉此孟子絕仲子之本意隱之云仲子之兄非不友孰使之避仲子之母非不慈孰使之離愚謂正使不慈不友亦無逃去之理觀舜之爲法于天下者則知之矣

孔子聖人也定哀庸君也然定哀召孔子孔子不俟駕而行過

位色勃如也足躩如也過虛位且不敢不恭況召之有不往而他適乎孟子學孔子者也其道豈異乎夫君臣之義人之大倫也孟子之德孰與周公其齒之長孰與周公之于成王成王幼周公負之以朝諸侯及長而歸政北面稽首畏事之與事文武無異也豈得云彼有爵我有德齒可慢彼哉孟子謂蜚蜚居其位不可以不言言而不用不可以不去己無官守無言責進退可以有餘裕孟子居齊齊王師之夫師者導人以善而救其惡者也豈謂之無官守無言責乎若謂之爲貧而仕邪則後車數十乘從者數百人仰食于齊非抱關擊柝比也詩云彼君子兮不素餐兮夫賢者所爲百世之法也余懼後之人挾其有以驕其君無所事而貪祿位者皆援孟子以自況故不得不疑

辯曰孟子將朝王王使人來曰寡人如就見者也有寒疾不可以風朝將視朝不識可使寡人得見乎探王之意未嘗知以尊德樂道爲事方且恃萬乘之尊不肯先賢者之屈故辭以疾欲使孟子屈身先之也孟子知其意亦辭以疾者非驕之也身可屈道其可屈乎其與君命召不俟駕而行異矣又孟子曰天下有達尊三朝廷莫如爵鄉黨莫如齒輔世長民莫如德夫尊有德敬耆老乃自古人君通行之道也人君所貴者爵爾豈可慢夫齒與德哉若夫伊尹之于太甲周公之于成王此乃大臣輔導幼主非可與達尊概而論也又孟子謂蚺黿爲士師職所當諫諫之不行則當去爲臣之道當如是也爲王之師則異矣記曰君之所不臣于其臣者二而師

處其一尊師之禮詔于天子無北面非所謂有官守有言責者也其進退豈不綽綽然有餘裕哉孟子以道自任一言一行未嘗少戾于道意謂人君尊德樂道不如是則不足與有爲而謂挾其有以驕其君無所事而貪祿位者過矣

朱子曰溫公云孔子聖人也定哀庸君也然定哀召孔子孔子不俟駕而行過位色勃如也足躩如也過虛位且不敢不恭況召之有不往而他適乎孟子學孔子者也其道豈異乎夫君臣之義人之大倫也孟子之德孰與周公其齒之長孰與周公之于成王成王幼周公負之以朝諸侯及長而歸政北面稽首畏事之與事文武無異也豈得云彼有爵我有齒德可慢彼哉愚謂孟子固將朝王矣而王以疾要之則孟子

辭而不往其意若曰自我而朝王則貴貴也貴貴義也而何不可之有以王召我則非尊賢之禮矣如是而往于義何所當哉若其所以與孔子異者則孟子自言之詳矣恐溫公亦未深考爾孟子達尊之義愚謂達者通也三者不相值則各伸其尊而無所屈一或相值則通視其重之所在而致隆焉故朝廷之上以伊尹周公之忠聖耆老而祇奉嗣王左右孺子不敢以其齒德加焉至論輔世長民之任則太甲成王固拜手稽首于伊尹周公之前矣其迭爲屈伸以致崇極之義不異于孟子之言也故曰通視其重之所在而致隆焉惟可與權者知之矣官守言責一職之守爾其進退去就決于一事之得失一言之從違者也若爲師則異于是矣然亦豈不

問其道之行否而食其祿耶觀孟子卒致爲臣而歸齊王以萬鍾留之而不可得則可見其出處大槩矣

孟子知燕之可伐而必待能行仁政者乃可伐之齊無仁政伐燕非其任也使齊之君臣不謀于孟子孟子勿預知可也沈同旣以孟子之言勸王伐燕孟子之言尙有懷而未盡者安得不告王而止之乎夫軍旅之事民之死生國之存亡皆繫焉苟動而不得其宜則民殘而國危仁者何忍坐視其終委乎

辯曰沈同問燕可伐孟子答之曰可伐者言燕之君臣擅以國而私與受其罪可伐沈同亦未嘗謂齊將伐之也豈可臆度其意預告之以齊無善政不可伐燕歟且言之不可不慎也久矣彼欲伐人之國未嘗與已謀苟逆探其意而沮其謀

一政恐不免貽禍矣或謂其勸齊伐燕孟子已嘗自明其說意在激勸宣王使之感悟而行仁政爾孟子答問之際抑揚高下莫不有法讀其書者當求其立言垂訓之意而究其本末可也

朱子曰聖賢之心如明鑑止水來者照之然亦照其面我者而已矣固不能探其背而逆照之也沈同之問以私而不及公問燕而不及齊惟以私而問燕故燕之可伐孟子之所宜知也惟不以公而問齊故齊之不可伐孟子之所不宜對也溫公疑孟子坐視齊伐燕而不諫隱之以爲孟子恐不免貽禍故不諫溫公之疑固未當而隱之又大失之觀孟子言取之而燕民悅則取之取之而燕民不悅則勿取然則燕之可

取不可取決于民之悅否而已使齊能誅君弔民拯之于水火之中則烏乎而不可取哉

經云當不義則子不可不爭于父傳云愛子教之以義方孟子云父子之閒不責善是不諫不教也可乎

辯曰孟子曰古者易子而教之非謂其不教也又曰父子之閒不責善父爲不義則爭之非責善之謂也傳云愛子教之以義方豈自教也哉胡不以吾夫子觀之鯉趨而過庭孔子告之不學詩無以言不學禮無以立鯉退而學詩與禮非孔子自以詩禮訓之也陳亢喜曰問一得三聞詩聞禮又聞君子之遠其子孟子之言正與孔子不約而同其亦有所受而言之乎

朱子曰子雖不可以不爭于父觀內則論語之言則其諫也以微隱之說已盡更發此意尤佳

告子云性之無分于善不善猶水之無分于東西此告子之言失也水之無分于東西謂平地也使其地東高而西下西高而東下豈決導所能致乎性之無分于善不善謂中人也瞽瞍生舜舜生商均豈陶染所能變乎孟子曰人無有不善此孟子之言失也丹朱商均自幼及長所日見者堯舜也不能移其惡豈人之性無不善乎

辯曰孟子曰人性之善也猶水之下也人無有不善水無有不下蓋言人之性皆善也繫辭曰一陰一陽之謂道繼之者善也成之者性也是則孔子嘗有性善之言矣中庸曰天命

之謂性樂記曰人生而靜天之性也人之性稟于天曷嘗有不善哉荀子曰性惡楊子曰善惡混韓子曰性有三品皆非知性者也犧生犉胎龍寄蛇腹豈常也哉性人也人與鳥獸草木所受之初皆均而人爲最靈爾由氣習之異故有善惡之分上古聖人固有稟天地剛健純粹之性生而神靈者後世之人或善或惡或聖或狂各隨氣習而成其所由來也遠矣堯舜之聖性也朱均之惡豈性也哉夫子不云乎惟上智與下愚不移非謂不可移也氣習漸染之久而欲移下愚而爲上智未見其遽能也詎可以此便謂人之性有不善乎

孟子云白羽之白猶白雪之白白雪之白猶白玉之白告子當應之云色則同矣性則殊矣羽性輕雪性弱玉性堅而告子亦

皆然之此所以來犬牛人之難也孟子亦可謂以辯勝人矣

辯曰孟子白羽之白與白雪白玉之同異者蓋以難告子生之謂性之說也告子徒知生之謂性言人之爲人有生而善生而惡者殊不知惟民生厚因物有遷所習不慎流浪生死而其所稟受亦從以異故有犬牛人性之不同而其本性未始不善也猶之水也其本未嘗不清所以濁者土汨之耳澄其土則水復清矣謂水之性自有清濁可乎孟子非以辯勝人也懼人不知性而賊仁害義滅其天理不得已而爲之辯孝經曰天地之性人爲貴以言萬物之性均惟人爲貴爾性之學不明人豈知自貴哉此孟子所以不憚諄諄也

朱子曰此二章某未甚曉恐隱之之辯亦有未明處

禮君不與同姓同車與異姓同車嫌其偏也爲卿者無貴戚異姓皆人臣也人臣之義諫于君而不聽去之可也死之可也若之何以其貴戚之故敢易位而處也孟子之言過矣君有大過無若紂紂之卿士莫若王子比干箕子微子之親且貴也微子去之箕子爲之奴比干諫而死孔子曰商有三仁焉夫以紂之過大而三子之賢猶且不敢易位也況過不及紂而賢不及三子者乎必也使後世有貴戚之臣諫其君而不聽遂廢而代之曰吾用孟子之言也非篡也義也其可乎或曰孟子之志欲以懼齊王也是又不然齊王若聞孟子之言而懼則將愈忌惡其貴戚聞諫而誅之貴戚聞孟子之言又將起而陷之則孟子之言不足以格驕君之非而適足以爲篡亂之資也其可乎

辯曰道之在天下有正有變堯舜之讓湯武之伐皆變也或謂堯舜不慈湯武不義是皆聖人之不幸而處其變也禪遜之事堯舜行之則盡善子噲行之則不善矣征伐之事湯武行之則盡美魏晉行之則不美矣伊尹之放太甲霍光之易昌邑豈得已哉爲人臣者非不知正之爲美或曰從正則天下危從變則天下安然則孰可苟以安天下爲大則必曰從變可惟此最難處非通儒莫能知也伊光異姓之卿擅自廢立後世猶不得而非之況貴戚之卿乎紂爲無道貴戚如微子箕子比干不忍坐視商之亡而履宗絕祀反覆諫之不聽易其君之位孰有非之者或去或奴或諫而死孔子稱之曰商有三仁焉以仁許之者疑于大義猶有所闕也三仁固仁

矣其如商祚之絕何季札辭國而生亂孔子因其來聘貶而書名所以示法春秋明大義書法甚嚴可以鑒矣君有大過貶戚之卿反覆諫而不聽則易其位此乃爲宗廟社稷計有所不得已也若進退廢立出于羣小閹寺而當國大臣不與焉用彼卿哉是故公子光使專諸弑其君僚春秋書吳以弑不稱其人而稱其國者歸罪于大臣也其經世之慮深矣此孟子之言亦得夫春秋之遺意歟

朱子曰隱之云三仁于大義有關此恐未然蓋三仁之事不期于同白靖以獻于先王而已以三仁之心行孟子之言孰曰不可然以其不期同也故不可以一方論之況聖人之言仁義未嘗備舉言仁則義在其中矣今徒見其目之以仁而

不及義遂以爲三子猶有偏焉恐失之蔽也此篇大意已正只此數句未安

君子之仕行其道也非爲禮貌與飲食也昔伊尹去湯就桀豈能迎之以禮哉孔子棲棲皇皇周遊天下佛肸召欲往公山弗擾召欲往彼豈爲禮貌與飲食哉急于行道也今孟子之言曰雖未行其言也迎之有禮則就之禮貌衰則去之是爲禮貌而仕也又曰朝不食夕不食君曰吾大者不能行其道又不能從其言也使饑餓于我土地吾恥之周之亦可受也是爲飲食而仕也必如是是不免于鬻先王之道以售其身也古之君子之仕也殆不如此

釋曰孔子之于魯衛始接之以禮則仕及不見悅于其君則

去豈可謂不爲禮貌而仕歟爲魯司寇不用從而祭燔肉不
至不稅冕而行豈可謂不爲飲食而仕歟進以禮退以義得
之不得曰有命孰謂孔子栖栖皇皇不爲禮貌與飲食哉孟
子曰迎之有禮則就禮貌衰則去又曰朝不食夕不食周之
亦可受者則是言也未嘗或戾于吾孔子之所行如曰不爲
飲食則當慕夷齊可也又何仕爲聖賢固不專爲飲食其所
以爲飲食云者爲禮貌爾而謂古之君子能辟穀者邪不顧
廉恥而苟容者邪誦孟子之言而不量其輕重之可否何說
而不可疑

朱子曰孟子言所就三所去三其上以言之行不行爲去就
此仕之正也其次以禮貌衰未衰爲去就又其次至于不得

已而受其賜則豈君子之本心哉蓋當是時舉天下莫能行
吾言矣則有能接我以禮貌而周我之困窮者豈不善于彼
哉是以君子以爲猶可就也然孟子蓋通上下言之若君子
之自處則在所擇矣孟子于其受賜之節又嘗究言之曰饑
餓不能出門戶則周之亦可受也免死而已矣以是而觀則
溫公可以無疑于孟子矣而隱之所辯引孔子事爲證恐未
然也

所謂性之者天與之也身之者親行之也假之者外有之而內
實亡也堯舜湯武之于仁義也皆性得而身行之也五霸則強
焉而已夫仁所以治國家而服諸侯也皇帝王霸皆用之顧其
所以殊者大小高下遠近多寡之間爾假者文具而實不從之

謂也文具而實不從其國家且不可係況于霸乎雖久假而不歸猶非其有也

辯曰仁之爲道有生者皆具有性者同得顧所行如何爾堯舜之于仁生而知之率性而行也湯武之于仁學而知之體仁而行也五霸之于仁困而知之意謂非仁則不足以治國家服諸侯于是假而行之其實非仁也而謂皇帝王霸皆用之顧其所以殊者大小高卑遠近多寡之間爾何所見之異也孟子之言曰堯舜性之湯武身之五霸假之假之而不歸惡知其非有正合中庸所謂或安而行或利而行或勉強而行及其成功一也孟子之意以勉其君爲仁爾惜乎五霸假之而不能久也

朱子曰隱之以五霸爲困知勉行者愚謂此七十子之事非五霸所及也假之之情與勉行固異而彼于仁義亦習聞其號云爾豈真知之者哉溫公云假者文具而實不從之謂也文具而實不從其國家且不可保況于霸乎雖久假而不歸猶非其有也愚謂當時諸侯之于仁義文實俱喪惟五霸能具其文爾亦彼善于此之謂也又有大國資強輔因竊仁義之號以令諸侯則孰敢不從之也哉使其有王者作而以仁義之實施焉則燭火之光其息久矣孟子謂久假不歸惡知其非有止謂當時之人不能察其假之之情而遂以爲真有之爾此正溫公所惑而反以病孟子不亦誤哉

虞書稱舜之德曰父頑母嚚象傲克諧以孝烝烝乂不格姦所

貴乎舜者爲其能以孝和諸其親使之進退以善自治而不至
于惡也如是則舜爲子瞽瞍必不殺人矣若不能止其未然使
至于殺人執于有司乃棄天下竊之以逃狂夫且猶不爲而謂
舜爲之乎是特委巷之言也殆非孟子之言也且瞽瞍既執于
臯陶矣舜烏得而竊之雖負而逃于海濱臯陶外雖執之以正
其法而內實縱之以子舜是君臣相予爲僞以欺天下也惡得
爲舜與臯陶哉又舜既爲天子矣天下之民戴之如父母雖欲
遷海濱而處民豈聽之哉是臯陶之執瞽瞍得法而亡舜也所
亡益多矣故曰是特委巷之言殆非孟子之言也

辯曰桃應之問乃設事爾非謂已有是事也桃應之意蓋謂
法者天下之大公舜制法者也臯陶守法者也脫或舜之父

殺人則如之何孟子答之曰執之者士之職所當然也舜不敢禁者不以私恩廢天下之公法也夫有所受云者正如爲將闔外之權則專之君命有所不受士之守法亦然蓋以法者先王之制與天下公共爲之士者受法于先王非可爲一人而私之舜旣不得私其父將寘之于法則失爲人子之道將置而不闕則廢天下之法寧并棄天下願得竊負而逃處于海濱樂以終其身焉更忘其爲天子之貴也當時固無是事彼旣設爲問目使孟子不答則其理不明孟子之意謂天下之富天子之貴不能易事父之孝遂答之以天下可忘而父不可暫舍所以明父子之道也其于名教豈曰小補之哉朱子曰龜山先生嘗言固無是事此只是論舜心爾愚謂執

之而已矣非洞見臯陶之心者不能言也此一章之義見聖
賢所處無所不用其極所謂止于至善者也隱之之辭專以
父子之道爲言卻似實有此事于義未瑩

朱元學案卷八

鄞縣全祖望補本

後學慈谿馮雲濠校

鄞縣王梓材重校

道州何紹基重刊

涑水學案


下

溫公潛虛

萬物皆祖于虛生于氣氣以成體體以受性性以辨名名以立行行以俟命故虛者物之府也氣者生之戶也體者質之具也性者神之賦也名者事之分也行者人之務也命者時之遇也

梓材謹案朱子跋張氏潛虛圖與吳氏潛虛圖皆言潛虛多有闕文其無闕者泉州本也吳氏潛虛後序稱初得全本又得孫氏許氏闕本蓋溫公未及著今亦無從審其何者爲闕祇得錄其全文而張氏潛虛亦並錄于後

氣圖



張敦實曰五行之在天地閒具自然之氣故有自然之象與

自然之數天一居北爲水地二居南爲火天三居東爲木地
四居西爲金天五居中爲土在虛則有原有熒有本有廿有
基焉至于水一得土五而成六火二得土五而成七木三得
土五而成八金四得土五而成九中央五土合而成十此生
數一十有五成數四十生成之數五十有五所以具天地終
始之道成變化而行鬼神也故五行更生得土以助之昔之
原者今有委昔之熒者今有焱昔之本者今有末昔之廿者
今成刃昔之基者今成冢矣

體圖

庶人

士

十家右
十家左

大夫

而刃右
而刃左

卿

而末右
而末左

十家右
而刃左

侯

而焱右
而焱左

而刃右
而末左

率

丁委右
丁委左

而末右
而焱左

十家右
而末左

牧

×基右
×基左

而焱右
丁委左

而刃右
而焱左

岳

而什右
而什左

丁委右
×基左

而末右
丁委左

十家右
而焱左

公

川本右
川本左

×基右
而什左

而焱右
×基左

而刃右
丁委左

王

川榮右
川榮左

而什右
川本左

丁委右
而什左

而末右
×基左

十家右
丁委左

原原
左右

川本台
川左台

川木左右

丁煥右
謝廿左

而刃右
人基左

日熒右
一原左

1

1

4

1

本右
原左

人基右
田榮左

丁 義 右
川 本 左

四十左右

1

大基

丁亥

11

1

一原左

丁癸在
日癸左

日本右
西切左

1

1

原右

川焚石

1

1

可

而刃左

1

1

1

原右

1

1

100

面刃左

一等

二等

四等

五等

一等象王二等象公三等象岳四等象牧五等象率六等象侯

七等象卿八等象大夫九等象士十等象庶人一以治萬少以制眾其惟綱紀乎綱紀立而治具成矣心使身身使臂臂使指指操萬物或者不爲之使則治道病矣卿詘一大夫詘二士詘三庶人詘四位愈卑詘愈多所以爲順也詘雖多不及半所以爲正也正順莧墜之大誼也

張敦實曰天地之數陽奇陰偶陰陽合德而剛柔有體此五位所以相得而各有合也天一與地六相得合而生水有原而有委地二與天七相得合而生火有榮而有焱天三與地八相得合而生木有本而有末地四與天九相得合而生金有卅而有刃天五與地十相得合而生土有基而有冢以五行生成分言之則有五合言之則有十故一等至十等總五

十有五體體有左右辨賓主也有上下辨尊卑也左右上下
遞純遞詘以興天下之治以成天下之業故能若網在綱若
臂使指無尾大不掉之患

性圖

朱子學集卷八

水 火 木 金 土 水 火 木 金 土

火 木 金 土 水 火 木 金 土 水

木 金 土 水 火 木 金 土 水 火


金 土 水 火 木 金 土 水 火 木

土 水 火 木 金 土 水 火 木 金

丁水 丁火 丁木 丁金 丁土

凡性之序先列十純十純既浹其次降一其次降二其次降三
其次降四最後五配而性備矣始于純終于配天地之道也
張敦實曰五行之性皆相生以相繼相克以相成虛始于十
純其體立而不改其次降一故水與火配其次降二故水與
木配其次降三故水與金配其次降四故水與土配自降一
至降四其下亦降次以相配焉最後五行生成大率不出乎
此

名圖



一六置後二七置前三八置左四九置右通以五十五行叶序
印而瞻之宿躔從度印則爲莧類則爲墜印得五官類得十數
元餘者物之始終故無變齊者中也包幹萬物故無位與至之
氣起于元轉而周三百六十四變變尸一日迺授于餘而終之
以步莧軌以叶歲紀人之生本于虛虛然後形形然後性性然
後動動然後情情然後事事然後德德然後家家然後國國然
後政政然後功功然後業業終則返于虛矣故萬物始于元著
于裏滿侯存于齊消于散訖于餘五者形之運也柔剛雍昧昭性
之分也容言慮聆靚動之官也繇濟賡得罹耽都情之誦恤也
壽卻庸安吐火火蠢尹事之變也刃切宜忱詰裏德之塗也特偶曜
續考家之綱也范徒醜隸林國之紀也固準資賓政政之務

也數微父續育聲功之具也興痛鋪泯造隆業之著也爲人上者將何爲哉養之教之理之而已養之故人賴以生也教之故人賴以明也治之故人賴以父也夫如是故人愛之如父母信之如卜筮畏之如雷霆是以功成而名白也夫爲人上而不能養則人離叛矣養而不能教則人散亂矣教而不能治則人抵捍矣三具者亡而所有功者可得乎

張敦實曰周天三百六十五度四分度之一五行生成合體而立名不過五十有五齊于天地之中包幹萬物故有名而無位冬至之氣起于元轉而周三百六十四變變尸一日遁授于餘而終之一六居後在天則斗牛女虛危室壁之分三八居左在天則角亢氐房心尾箕之分二七居前在天則井

鬼栳星張翼軫之分四九居右在天則奎婁胃昂畢觜參之分自氐至昧十有一名在北而屬水自容至井十有一名在東而屬木自蠶至考十有一名在南而屬火自徙至乂十有一名在西而屬金昭一土也處報德之維分王于丑卻庸安三土也處常陽之維分王于辰范一土也處背陽之維分王于未續育聲興痛五土也處號通之維分王于戌齊中土也處大中之內在天其北極之任乎

行圖

變圖

解圖

一元

慎于舉趾差則千里機慎于舉趾差則遠止其矢也

元始也夜半日之始也朔月之始也冬至歲之始也好學習之始也力行道德之始也任人治亂之始也

二衰

初進而退而俟其信而歇不可苟必進退也

衰聚也氣聚而物宗族聚而家聖賢聚而

二人保而繁獸猛而殫人保而繁善以道羣也

三百草之聚勝者為主百毒之聚止害人也

四羽毛鱗介各從其類羽毛鱗介聚以倫也

五菟絲之勢附草絕根菟絲之勢不知固根也

六八音和鳴神祇是聽八音之哀感人神也

上雲還于山水泮于川雲還冰泮聚極必分也

三柔

初馬牛服役左右彈力馬牛服役臣職宜也

柔地之德也臣之則二也天為剛矣不逆四逆蔭威施盜跖之祈盜跖之祈得其答為主所知也也或得其答時君為剛矣不卻嘉三齒剛必缺久存者舌齒故舌存久剛必謀金為剛矣從人所危也為故剛而不柔未有四蜚石之落抗之以慕蜚石之落強不能支也能成者也

五 大柔如水利物無已大柔如木不與物

六 蒲梁柳欹傾榱脫輻蒲梁柳欹任重力

上 綴旒靡委政不在己綴旒靡委若道非

初 偃王無骨莫之自立人之有骨以自立

二 不忍小辱自經溝瀆自經溝瀆小人決

三 目暝耳塞拔木觸石一跌而踣不復振

四 金與玉軸歷險不覆金與玉軸任重載

五 介潔自守其要无咎其要无咎由寡欲

剛天之道也君之守也地為柔矣負載山也地為柔矣負載山岳臣為柔矣正直諤諤水為柔矣頽崖穿石故柔而不剛未有能立者也

剛

宋元學案卷八

八

六 精金百鍊有折無卷有折無卷質不渝也

上 既治鑄劍利用加錫折也利用加錫過剛則折也

初 匪飛匪潛出門交有出門交有功尚和也

二 柳下惠不易其介伯夷清不偏惠和不流也

三 玉質金聲利用陳于帝庭也玉質金聲有嘉德也

四 猶信領領無施而適信信領領不可如博沙難驟舒席卷棘何也

五 需者減求者增卒會需減求增益寡損多也

六 鹽梅不適羹棄不食鹽梅不適性有類也

上 天地融融萬物雍雍天地融融萬物和也

初 取足于己不知外美取足于己所以昧也

二 日匿其光僂于東方日匿其光德未耀也

雍

雍和也天地萬物之性不剛則柔不晦則明遇而行之其在和乎

丁昧

昧晦也日之晦晝夜以成月之晦弦望以

生君子之晦與時偕行

三 鐵目石耳蹈于淵水鐵目石耳不可導也

四 冥行失足或導之燭或導之燭能受教也

五 無相之警闔戶而處閭戶而處未失道也

六 不習而斲敗材毀樸不習而斲不免咎也

上 傳人守金奴盜攸侵以昧居上必有盜也

初 匱其鑑拂其塵覩其匱鑑拂塵以自照也

二 隨珠照夜不如膏燭珠能照夜不可常也

三 察窮秋毫物駭而逃察窮秋毫物所駭也

四 鑿隙偷光厥志唯勤鑿隙偷光善借明也

五 循牖不蹶秉燭而跌秉燭而跌恃明憚也

六 日麗于天萬物粲然日麗于天無不照也

天昭

昭明也天地之明靡不察也日月之明靡

不燭也人君之明官羣材也世有辜也懋

有功也

容

容貌也尊卑有儀軍國有容舍之則麗

上

宿火于灰

宿火于灰善營明

初

修而貫而久而安而

修容有常久則貫也

二

葆首夷侯不若適死

葆首夷侯不可忍見也

三

頰面不飾

頰面不飾質不變也

四

裴衣錦裏君子養美

裴衣錦裏不自絢也

五

如圭如璋以和以莊

以和以莊容之善也

六

朱襮紫裏服久必敝

朱襮之敝其裏見也

上

樛木之垂甘瓠之繁

木垂瓠繁貴下賤也

初

亞糞之口可用以受

亞梁之賊言不可

二

人不我知饋金而疑

饋金而疑人弗信也

三

不固其闕禍溢浮天

禍溢浮天不可收也

言

言辭也有雷有風天心始通有號有令君心無隱有話有言中心乃宣

四 天信其時萬物攸期萬物攸期素信之也

五 庸言之謹必顧其行言行之謹以立誠也

六 時言之利上下攸賴上下攸賴其利溥也

上 言由于德弗思而得言由于德非意之也萬世之式當于理也

初 秋毫差機矢不可追秋毫差機不可不慎也

二 苟瞻千里卻顧百世苟瞻卻顧所慮遠也

三 澄源正本執天之鏡澄源正本萬術盡也

四 林甫月室愠入笑出匪躬之益終自及也

五 萬物之神出天入塵出天入塵無不臻也

六 謀利忘寢商賈之任謀利忘寢思不遠也

上 孔子從心不踰矩孔子從心從容中道也

川慮

慮思也聖人無思白合于宜賢者之思以求其時臨事不思不能言幾學道不思不能造微

丁聆

初

聽德惟聰否不若聾否不若聾聞無益

聆聽也天下其耳舜

二

註續弗徹舜聰四達舜聰四達聰不蔽

達四聰聽而不聞是

三

甘言便耳沒于淵水甘言便耳不可悅

謂心聾所以王者聽

四

苦言刺耳惟身之利苦言利身不可惡

德惟聰學者非禮不

五

卑聽惟順擇其利病擇其利病出乎心

聽

六

蟻聞聞聲惟遇言是遇言是聽心不逮

上

聖人無擇惡聲不入

惡聲不入耳不順

川觀

初

紛澤之暉覆窅埋機味者不知日誘之

觀視也天高其目舜

二

項楚姚虞形似心殊形似心殊明不在

明四目視而弗見是

三

馳車擊轂自掩其目自掩其目不能見

謂心聾所以王者視

四

坦途猶覆虎視耽耽其心潭潭其心潭潭審所視

視

五 蓬蔭成施俯仰相疑俯仰相疑任偏見也

六 漆器象箸因微知著視細猶巨明辨哲離婁之目視細猶巨也

上 疑旒十二惟目之蔽疑旒之蔽不用目同仁一視也

川 初 凱風怡怡萬物熙熙凱風怡怡怒氣散也萬物熙熙無疾憊也

二 悅之匪人涉于幽榛悅之匪人徇所愛覆車陷輪也

三 爰笑爰語神清心與弗喪其斧未失則弗喪其斧也

四 聞謫而喜反求諸己聞謫而喜以從道也

五 喜怒以律愛惡不失大人元吉不失律也大人元吉也

六 賞溢于喜重器是委賞溢于喜愛人從或顛而毀政也

上 爵祿錫子飾喜之具爵祿飾喜不虛拘也惜印吝金人委而去惜印吝金人失望也

初 匪怒之道必理之求必理之求先慮後拔刃難收斷也

川 濟

海歸仁

情怒也天地之怒風
霆橫飛王者之怒爰
整六師君子之怒暴
亂是夷小人之怒適
為身菑

二 自怒自解人不之畏自怒自解威已玩也

三 快心一朝忘其宗祧失不快心一朝忘後患可招華鉅之浮烏焉之求也

四 雷霆赫赫亂是用息雷霆赫赫以止亂

五 有根有形怒然後興無形而怒祇取慢也

六 忍之少時福祿無期忍之少時迺免難也

上 雷風既息繼以沛澤風息而雨羣物渾也

初 耳目鼻口外交中誘外交中誘心不君也

十得 得欲也牡牡飲食禽獸之識官爵財利僕隸之志欲仁求仁入

自聖門 三 聖人徇理百物不廢其心無累過不留其心無累

四 豨腹饕餮為人益膏豨腹饕餮饕餮貪欲不厭也

五 守常知足不危不辱不危不辱又何求也

六 不學無義惟飲食牝禽獸之類猶可食也

上 鳴爭腐鼠鷓鴣雞弗顧腐鼠弗顧乃可貴也

初 飽食無憂襟裾馬牛襟裾馬牛人必有憂也

二 巨艦之戰衝風激波先哭後歌憂則有濟于江河先哭後歌喜也

三 火在薪下安寢不懼安寢不懼無所知也

四 德誼不積惟躬之威德誼不積賢者之憂也

五 羆婦之恠匪知其緯羆不恤緯知所憂也

六 杞人蚩蚩憂天之墮憂天之墮亦過計也

上 周規孔制後世之計周規孔制憂萬世也

初 利用作室門憚于勤婦子欣欣享其安也

二 萬民不區守業安居形苦心愉內自適也

湛樂也以欲忘道惑而不樂以道制欲樂

湛

罹

惟憂也知命樂天無憂則賢樂天知命有愛則聖若夫涉世應事則有常理始于憂動終于逸樂人無遠慮必有近憂

而不亂去欲從道其樂也誠

三 醉飽之惜歌舞之紛醉飽之惜忘躬之突火將焚盜倚其門威也

四 酒食行行威儀反反酒食行行以禮自繩墨不遠

五 不勤厥畝喪其稷黍不勤厥畝無以食也

情有七而虛其五何六 家有韶濩外忘其慕家有韶濩樂道德也

惡之故喜怒所以兼上 王用宴于鎬京鎬京之宴樂以天下也

三 非進也駑馬日進驥門可入為國日進功業可得險途冒進或至于陪

初 非非獲已進寸退尺非進之初不可不飾其金履

二 盲人操舟乘彼湍流盲人操舟禍在不日也

三 日出而征日沒而息君子之則出處順也

四 兔跳而踞鳥乘而伏兔跳而踞以退為孤張肘縮進也

五 主人三宿日中必暴主人三宿征勿問失時不逐也

六 駑馬之疲驥馬之追駑馬追驥力疲盡駑羽強蜚墜于溝籬也

○ 卬

御退也日月進退晦明以成寒暑進退品物以生君子進退功名以彰

上 日沒而征力憊而登日沒而征危辱近

初 一葉于蜚木陰未稀也 一葉于蜚陰始長

二 納履而顧心雷迹去納履而顧心有望

三 唾面不辱叱嗟不縮唾面不辱顏之強

四 雲蜚于江舟藏于浦雲蜚于江誠微象

五 揖之則奔麾之則止揖奔麾止動不妄

六 膳珍不御致鼎而去膳珍不御志不享

上 龍登于雲垂尾之卷垂尾之卷終可叩

初 天地之德變化無極變化無極終有常

二 井泉之潔沒者不絕井泉之潔常可久

三 嶽鎮之巍無增無虧嶽鎮之巍善保常

× 庸

庸常也日月運行不差旦暮四時變化不愆寒暑君能下下不失其尊聖賢達節不

四 樹楊沃水一日十徙一日十徙不能以

榮也

五 晝作夜息寒耕暑織小人其職君子治

小人其職

也

六 井汚而久蟲蕃其口井汚而久不知變

也

上 魚跳失水困于螻蟻魚跳失水不安常

也

丁安

初 藏心于虛非有非無藏心于虛不假物

其樂于

也

二 止水之清鑑物而明鑑物而明得所止

也

三 窮濱之腐穢惡攸聚窮濱之腐穢不能擇

居也

四 馴鹿龍野由習得成由習得成制而心

也

五 居則鬱鬱動則愈屈吉人之得靜以待

吉人之得靜人之失也

六 鰓飼于泥不能鳴鰓飼于泥志在汚

也

上 雷伏于地或震于天雷震火燎因時勢

火伏于灰或燎于原也

乎

日 益

初

陽氣潛萌品彙咸生陽氣潛萌動在中

蠢動也天之動晝夜

二

新居之徒舊居之棄新居之徒未有利

以行地之動草木以

三

狙人于罔跳梁仆仰狙入于罔躁益纏

生聖賢之動功業以

四

據于疾黎欲去何之雖無所之不可處

成

五

盤凍樹櫻勞而無得整凍樹櫻徒自勤

六

樹穀于雨拔草于暑樹穀于雨貴及辰

日 訓

上

說心藏密龍蛇其蟄龍蛇之蟄以存神

日 訓

初

牽牛繫鐘惻于厥心牽牛惻心仁之祖

訓仁也天地好生秋

二

養虺縱蝗匪仁之方養虺縱蝗失所與

不先春王者尚恩德

三

工不踰閭車成轅轍工不踰閭冥中度

先于則人無惻隱虎

四

青盞白刃利以征亂青盞白刃斷以義

狼奚異撫而充之同

也

也

五 赤子在谷丈人濡尼赤子在谷濡不避也

六 推輿濟人不如和梁推輿濟人惠不大之辰也

上 至德如春浹于無垠仁道大成萬物遂莫知其然也

三 宜

初 盜跖莊蹻諱聞其惡跖蹻諱惡有差惡也

宜義也君子有義利二 守爾庖魚喪爾囊珠喪爾囊珠所失大以制事事無常時務

在得宜知宜而通惟三 徇利遺節託名以說託名以說以欺世義之功闢宜而執亦

義之賊所以天地常四 名駟大輅安行正路疾徐中度不失節就

刑不害慈愛

五 李璿殺身無所成名李璿殺身不可為名也

六 斷臂納肝毀形殘生毀形殘生義无咎也

上 徇義之手足無愛手足無愛大得宜也

三 忱

初 可用交勿恤其孚後勿恤其孚自誠也有徒

忱信也天地信而歲功成日月信而歷象明人君信而號令行人臣信而邦家榮苟為舍之未見其能久長者也

二言無夸善懼不能踐言無夸善省華求實也

三天道難測四時不忒下土之式人信之也

四父子乖離吐心而疑父子乖離不知其既不在事可也

五經經之信小夫之謹小夫之謹可為民也

六小信之必大義之失君子不由輕重權也

上堅城捍外疆隄遏水城隄浮囊不可不革囊浮海漏不在大完也

初益薪火發濫穢泉列益薪濫穢務學祛蔽也

二斤斧顛顛梓匠之從梓匠之從小役大也

三盜兵利吏不制盜兵利祇益害也

四動若流水惟物之利流水之動以利物也

五務本安分金玉其命務本安分知保身也

詰智也經天緯地必有其理智者見之心聞事濟鑒以為巧詐以爲姦聖門論智其說不然

丁詰

六 狙鼠狡誦志在竊食狙鼠狡誦以竊食也

上 神禹濬川行其自然行其自然不為鑿也

初 仰天俯地正名辨位仰天俯地名位判也

二 敝衣蔽形猶愈裸程敝衣蔽形猶愈無也

三 衣冠周孔揖遜發豕揖遜發豕以飾姦也

四 犁牛之狂服畝遵場犁牛之狂能自制也

五 偶人粉澤偶人粉澤徒飾外也

六 斐如煌如紀如綱如斐如煌如王者事也

上 男女貴辨嫂溺則援嫂溺則援禮有權也

初 桃李之衰情憚心悲松筠之思晚無及也

二 有聚在牢或投之刀先笑後號不求終也

川 戛

戛禮也天高地下制

禮之經尊隆卑殺飾

禮之文人不知禮進

退無度手足罔措國

不用禮紀綱不舉四

鄰之侮

特

特天也天氣下降地

資以生日光翳燭月

借以明夫和而正婦
三 夫剛而令婦順而聽夫剛婦順未失常
聽以行是謂天地之
四 閨門雍穆靡歌靡哭
始 終陰陽之義人道之

五 德禮不貲拜嬀嬀汨德禮不貲以身先
也

六 鉛刀析薪折齒餘斷折齒餘斷不可用
制也

上 枯楊生華老夫得其女枯楊生華何可久也
嬀蛇入燕巢惟嬀之悲蛇入燕巢必敗家也

初 嗜酒之甘不知沈醺朱或成蟬不早辨
也

二 忌疾貪鄙徇情黜理徇情黜理不服訓
也

三 牝雞司晨惟家之索牝雞司晨反常也
也

四 墜柔而靜品物咸正墜柔而靜順承天
也

五 無非無儀中饋攸司中饋攸司未失道
也

六 康王晏起姜后請罪姜后之請警戒相
成也

偶妃也天能始事地
實終之陽能生物陰
實成之有夫無婦中
饋孰主所以成先子
恒男下于女

而偶

十曜

曜親也疏者必疏親者必親事之常理人之常情苟違其常心安可怙識者畏之如避豺虎

上 君王后治齊不可用不可用正婦人從正呂武用口

初 九族咸序省躬之故省躬之故知所從也

二 象封有庫食而弗治食而弗治弗私以政也

三 竹枯不拔蛇死不厥竹蛇之安輔之多也

四 條亡枿存或斧之根條亡枿存見者執柯也

五 父母妻屬等喪以睦等喪以睦示不同也

六 割臂斷足易之金玉割臂易玉棄親即它也其肌不屬人于汝何也

上 堯舜親親萬國興仁萬國興仁大成仁也

初 絡馬首穿牛鼻利用絡馬穿牛初易馴也

二 父潑其土子終厥畝子終厥畝能紹先也

續子也堯父舜子二者難全與其父智寧若子賢所以舜生商均虞祚不延繇生神三 蠶子滿腹不如螺贏蠶子滿腹害厥生也

禹祀夏配天

四 飯菽羹藜父母怡怡父母怡怡善承意也

五 鷹雞匪鸛不為鳴鳶不為鳴鳶亦似宗也

六 酒膳紛如父母頻如父母頻如不養志也

上 體完不墮德備不虧體完德備終于事祖考之暉也

初 老牛祗饋不如燕引燕引其雛教之飛也

二 作室無資勿壞其基作室無資不可強也勿壞其基亦可尚也

三 愛馬益栗肥溢而陸愛馬益栗祗益害終不可服或授之粟也

四 散而金珠聚而詩書散而金珠賢于人賢不喪志否不益愚也

五 囊金匣玉不昇之燭不昇之燭失義誨也

六 薪火不滅錫汝圭桀薪火不滅明有繼也

上 丹朱商均利用作賓利用作賓知子明也

考父也君為尊矣忠
于不親母為親矣忠
于不尊能盡二者其
惟父乎慈而不訓失
尊之義訓而不慈害
親之理慈訓曲全尊
親斯備

二考

而范

范師也天垂日星聖人象之地出圖書聖人則之漁叟之微文武是資鄭子之陋孔子所吝若之何其無師

初易子之義責善是為惟嚴之利人知畏也

二衡不平繩不直大斗衡不平不足由也

三章句之見投其訓傳以綸投鍵發蒙也

四北指燕南指楚惟爾北燕南楚使自謀之取也

五準矩繩規眾法攸資準矩繩規先自修也

六投壁于閭或按之劍投壁于闔人不見也

上聖作六經萬世典型萬世典型言作訓也

初出門擇術跬步之失出門擇術慎所從也

二巧心妙手木不雕朽木不雕朽其質陋也

三虎豹之能千人莫當不可服箱不可訓也

四驂騑騏驎造父授轡一日千里天才異也

開徒

徒取也薪以續火益之愈光江漢永流達于遐方顏閔傳業聖道以彰

又醜

醜友也天地相友萬

葉以生日月相友羣

倫以明風雨相友草

木以榮君子相友道

德以成

五 中人不墮可以寡過中人不墮志務學也

六 樛木之曲惟材之屈曲木為輪性可揉也為輪轉殺也

上 仲尼之道三傳不替以克永世道大明也

初 素絲綯如適緇適朱適緇適朱惟所擇也

二 意氣相許不以利取取不以利能擇交也

三 水石相親石潔水清惟達亦直近賢也蓬麻共植惟達亦直

四 總角綢繆膠而漆投注矢操牙反相賊也半途分流注矢操牙也

五 春耕秋穫易力並作游惰勿諾不如已也游惰勿諾也

六 毛羣羽聚糧食之蠶糧食之蠶無所益也

上 一首三尾先完後毀惟初之阜不早議也

初 木養其材工則斲之木養其材以待用也玉潛于石人則琢之也

下隸

隸臣也地不天不能以生月不日不能以功光臣不君不能以功

二 玉馬金牛惟邦之寶玉馬金牛專所奉

三 一身三首蜂蟻所醜一身三首無所容

四 登耶而俛置膝而遠登耶而俛不自崇

五 股肱綴體沒世不改股肱不改知所從

六 顏載其勞口揚其高或傳之刀怙其庸

上 秋穀既收土田之休穀收田休不敢處

初 赤子之命在厥初生赤子初生性命繫

二 通述不失無喪無得通述不失亦足繼

三 姦實忠誅臧違否依姦實忠誅庶事戾

四 巨舟戕戕濟于洪波巨舟戕戕賴賢以

林君也三人無主不能共處一人元良萬國以康厥德惟何仁武及明備則蕃昌缺則衰亡

林

夫民之所資者道也

五 盤無光斧無鉞股肱光鉞之無下不使

不可斯須去也是以

君臣相與議于朝師
大相與講于野然後
道存而國可治也

六 天日昭如榱柱森如天日昭如明無蔽

上 日中而移山高而危日中而移不可不

而禋

初 聖人知幽明之故死祭祀之設非虛文

禋祀也豺知祭獸類

二 謂祖無知謂天可欺謂祭何為心倣忽

知祭魚忘先背本倣忽狂愚明而人責幽

三 豺獾之鑑霜露之思無失其時不忘本

則鬼誅

四 匪隆匪敬惟義所在惟義所在務適宜

五 薦栗之角瓦登匏爵薦栗之角誠不必

六 弗播而穀弗攻而木祀淫祭黷佞神也

上 學匪干祿祭匪求福果時則熟理必至

而準

初 莖茶之萌雖則不榮莖茶之萌惡不可

準法也為農無法黍稷不生為工無法器

二 替夫執鉅蘭艾同剝獸駭而突窮則悖

稷不為工無法器

上 罔下畢獸駭而突也

用不成用众無法資敵喪兵治國無法長亂殃民

三 罔密而敵微逃網繫微逃網繫制小失大也

四 禽虎于穴百獸戴果禽虎于穴備暴類罔目甚闕冒不可脫也

五 榮水之盈小偏必傾榮水之盈偏則敗也庭燎之明繼其薪蒸燎繼薪明不可忘也

六 稂莠之鋤嘉穀扶疏稂莠之鋤去物害也

上 驅蠅去飯毋使污案驅蠅去飯不足追逐之勿遠舉也

初 衣食貨賂生養之具爭怨之府當義治也

二 子贏父卑不憂饑寒子贏父卑厚于民也不憂饑寒必相養也

三 務其耕桑尊農卑商尊農卑商明本末也疏原道委上下均利疏原道委通上下也

四 山重澤潤今笑後哭山重澤潤其利窮也

五 璞隨之富或興或仆或興或仆道不同也

六 大盈藏金鄙夫之心鄙夫之心私積財也

十資

資用也何以臨人曰位何以聚民曰財有位無財斯民不來所以洪範八政食貨惟先天子四民農商居半

賓

賓客也君臣燕飲有主有賓諸侯朝聘天子之賓四夷朝貢中國之賓所以周官設行人之職行葦歌序賓之禮

上 勤約成風人不因窮勤約成風身先之也

初 賓擇主人有禮則親賓擇有禮主宜謹也

二 三十輻共一轂天子四門穆穆無離心也

三 蕝其塗拒其戶四鄰蕝塗拒戶不與物交也

四 重禮輕幣遠人畢至重禮輕幣不為利也

五 伯父伯舅惟賓惟友禮循其舊國有制也

六 秦帝按劍諸侯西馳面服心違威劫之也

上 東鄰無客西鄰之集西鄰之集亦可畏也

初 不利為寇利用禦寇利用禦寇以自衛也

二 利劍在手不敢飲酒利劍在手不敢飲酒知戒慎也

三 兵由貪忿民殫國燼民殫國燼終自焚也

誠

誠兵也天生五材民並用之附一不可孰能去兵僅憂生亂何以止亂所以樂有舞

干燕必有射佩劍即四節制之兵有死無生兵死不葬有節制
禦敵之具井田寓管陳之法

五公孫建議禁挾弓矢也公孫之議不窮理

六伐亂除凶修國省躬也修國省躬以正人

上戢戈棄矢憂患方始也憂患方始戒不虞

初去母從父得其途路得其途路知尚方也

二虎狼養子教之搏噬也秦人以斃不由義訓也

三建其師立其規執其也建其師擇師長也立其規宗

四漢光厲俗幾亡婁續也漢光厲俗尚名節

五直木不令其影自正也其影自正身先之

六飽食嗜嗜禽憤之肥也飽食嗜嗜逸居無

上契敷五教黎民時雍也比屋可封惡人盡

教教也木有材工則斲之民有性君則教之生之者天教之者人教化既美習俗乃成習俗既成運數莫奪越千百年風流不絕

川教

而父

初刀斧稼器先必就矚刀斧就矚先自知也

父治也農夫治地種

二政令苛碎遺大得細上勞下微不知要也

植耘除王者治國度

三卑人為主喪其資斧喪其資斧在匪人也

賞罰誅服而不治其

四欲罔之張引其綱欲綱張紀舉賢愚從也

國無制無制之國其民作慝

五量形製衣可用為儀量形製衣不好大也

六網開而疏罾罾其通利以得魚得民也

上熊魚科斗惟萃于首惟萃于首不續終也

初先春布穀雖勞不育若遲若速善乘時也

二帝王君臣務在安民務在安民無奇功也

三六子奮庸萬物以豐天地之功不自為也

四有鱣悅珠人口之腴有鱣悅珠匪其人也

地之功時底隆平帝

功是故物成秋冬天

不在多勝以亂靜為

能以道成為功用兵

以爲終務學不在多

積功也事不見功何

十績

十績

宋元學案卷八

三

王之功

五

項羽日勝而亡高祖日敗而王善要終日敗而王

六

生事要功利已夸庸生事要功好作爲也

上

漢宣算效優于孝文日漓我醇潛有損日漓我醇

初

井深勿器遐邇之汲遐邇之汲養不窮也

十育

育養也天地生物人

二

芻我黃牛以耕則收芻我黃牛養賢也結子無愛

資以養君陳一法人

三

赤子啼饑觀我采頤載於載噉莫之恤

養于母幼養于父終

四

吐哺哺兒母痔于肥母痔子肥損上益母心之喜下也

五

燕雀之黨自育自養解而羅網勿擾之解而羅網

六

發廩移粟東歌西哭東歌西哭不偏及也

上

井田之行何富何貧萬國之均大成也萬國之均

十聲

初

擊磬撞鐘或清或洪或清或洪聲從實也

聲名也無其實聲不
溢無其聲人不聞聲
溢而崇德之所以終
人聞而至業之所以
始故曰善不積不足
以成名又曰三代之
王必先令聞

二 慎守而身勿為鵠鳴勿為鵠鳴無惡聲也

三 鵠葉之蜩其鳴嘒嘒蜚鳥之招聲致殃也

四 空谷來風有聲淪淪有聲淪淪匪求之也

五 鬼嘯梁上弗見其象弗見其象無實也

六 非雷非霆四方是聞蟄者思亨求白奮也

上 金聲玉振始終惟令始終惟令不浸消也

初 選馬修輿講道徐驅選馬修輿審所寄也

十興 興起也仆而復起衰而更興前王之澤後王之能

二 大饗無饗撤木無工大饗無饗力不副也

三 澣垢縫裂摺欲補故澣垢縫裂且可衣也

四 病危得醫器微得僅病危得醫佐以明也

五 櫛有枿栽或為棟材枿栽為棟天材異焚出于灰可以焚萊也

六 困敝而想望遠而希望遠而希志力憊也

上 總樞操筆左右莊己總樞在上執興替也

初 外強中懈恃而不戒外強中懈所從也

二 祛寒得熱金石之孽孽寒得熱失中節也

三 齒拔兒傷治體得亡治體得亡其醫庸也

四 固本以靜防微以慎天不能病自治詳也

五 弗益弗擊輔根引日輔根引日未失也以俟明術

六 其亡其亡剋審其方其亡其亡戒慎不醫用其良敗也

上 膏肓不治世無良醫膏肓之疾不可如何也

初 蜩鳴于林稅衣絮衾蜩鳴絮衾宜早防也

十 泯 泯滅也爰出于灰噓之質其火燎于原滅二微子前見商祀不殄微子之祀重存商也

之則易是故周之興也十五王而不足及其滅也一衰烈而有餘可不戒哉可不懼哉

三 結自寶亡乃生少康夏之不振得少康也

四 躬顛血絕廟夷隴滅躬顛血絕滅可傷也

五 奕志蹙躬惟運之從奕志蹙躬無以堪也

六 水厥其原本木剿其根水厥其原何可長也

上 前車已覆瞻彼社屋前車之覆後所懲也

丁造 初 大虛測冥開乾闥坤萬有成敘實惟其人也

造始也雲雷方屯開 二 舜禹之神湯武之戰天心人願非利之也

乾闥坤肇有父子始 三 用不擇術功倍惡積成艱毀疾不由德也

立君臣倡之者聖和 四 依仁附義乘時順理能利乎物質自利也

之者賢為之者人成 五 量時度力田作言一規模可則匪自棄也

之者天 六 方春不犁泊秋而饑泊秋而饑失時極也

下隆

上立德建名惟天之命立德建名天所命而贊之成否則禍生也
初其憂其勤日昇于雲其憂其勤明日進也

隆盛也一陽之進必盛于夏是謂隆暑陰則生矣一陰之進必底于寒是謂隆冬陽亦形焉是故王者之業必極盈成盈成之時必貴持守可不念哉

二守之以祗酒肉如陵鐘鼓盈庭鏐刃墮城守備盡也
四視舟之濡室之用御視舟之濡慮患于謹也

五君子畏盈小人怙成危禍近也
六盛不忘衰安不忘危萬事之微不可不慎也

上累土匪易功虧一簣一簣未成虧九仞也
初敵弓之弦益漆與膠益漆與膠結以禮信也

下散

二心德之離微子去之微子去之親戚離也

散消也氣散而竭族散而絕民散而滅

三守業兢兢朝露春冰朝露春冰雖凝易泮也

四 倒廩虛庫財散入私倒廩虛庫知所故

五 盜棄其兵也 盜棄其兵也 盜棄其兵也

六 積沙防水水至沙潰水至沙潰不固結

上 達者先見也 達者先見也 達者先見也

而餘 堯舜之德禹稷之績周堯舜周孔垂世無

餘終也天過其度日之餘也朔不滿氣月之餘也日不復次歲之餘也功德垂後聖賢之餘也故天地無餘則不能變化矣聖賢無餘則光澤不遠矣

不可易 眾星拱極萬矢奏的必眾星萬矢誰能易

齊中也陰陽不中則物不生血氣不中則體不平剛柔不中則德不成寬猛不中則政不行中之用其至矣乎

張敦實曰五行在天地之閒可以開物成務冒天下以道者也故用各有五終于五十五名其修為之序可以治性可以

修身可以齊家可以治國可以平天下故曰行者人之所務也繫之辭以明其義用之變以尚其占皆所以前民用也

又曰律呂之生始于黃鍾下生林鍾林鍾上生太簇太簇下生南呂南呂上生姑洗姑洗下生應鍾應鍾上生蕤賓蕤賓上生大呂大呂下生夷則夷則上生夾鍾夾鍾下生無射無射上生中呂陽六爲律陰六爲呂以黃鍾爲宮則林鍾爲徵太簇爲商南呂爲羽姑洗爲角應鍾爲變宮蕤賓爲變徵至十二律旋相爲宮各以七變而乘之則盡八十四調此聲之元五聲之正也至六十律旋相爲宮又以七變而乘之則變盡周期各統一日盡三百六十四變于潛虛之中始于夏之初終于散之上以定天下之吉凶成天下之亹亹者其用大

矣

命圖

朱子學案卷八

三

吉

賊

平

否

凶

哀六

四

二

五

三

柔五

四

三

六

二

剛四

六

五

二

三

雍三

二

五

六

四

昧二

四

五

六

三

昭六

四

二

三

五

三

容五

四

三

六

二

言四

六

五

二

三

慮三

二

五

六

四

聆二 四 五 六 三

覲六 四 二 五 三

繇五 四 三 六 二

濟四 六 五 二 三

得三 二 五 六 四

惺二 四 五 六 三

耽六 四 二 五 三

壽五 四 三 六 二

卻四 六 五 二 三

庸三 二 五 六 四

妥二 四 五 六 三

森六 四 二 五 三

訥五 四 三 六 二

宜四 六 五 二 三

忱三 二 五 六 四

詰二 四 五 六 三

夏六 四 二 五 三

特五 四 三 六 二

偶四 六 五 二 三

曜三 二 五 六 四

續二 四 五 六 三

考六 四 二 五 三

范五	四	三	六	二
徒四	六	五	二	三
醜三	二	五	六	四
隸二	四	五	六	三
林六	四	二	五	三
禪五	四	三	六	二
準四	六	五 ノ	二	三
資三	二	五	六	四
實二	四	五	六	三
戒六	四 々	二	五	三
敦五	四	三	六	二

父四	六	五	二	三	
續三	二	五	六	四	
育二	四	五	六	三	
聲六	四	二	五	三	
興五	四	三	六	二	
痛四	六	五	二	三	
混三	二	五	六	四	
造二	四	五	六	三	
隆六	四	二	五	三	
散五	四	三	六	二	

元餘齊三者無變皆不占初上者事之始終亦不占

張敦實曰命者時之所遇也吉凶否臧雖惟命所遇然禍兮福所倚福兮禍所伏以其禍福之未定則稽疑之占不可後也茲所占者自亥至散五十二名以二三四五六之變觀其吉凶臧否平之所遇而決陽則用其顯陰則用其幽然後可以觀變而避就也

五行相乘得二十五又以三才乘之得七十五以爲策虛其五而用七十分而爲二取左之一以掛于右揲左以十而觀其餘置而扐之復合爲一而再分之掛揲其右皆如左法左爲主右爲客先主後客者陽先客後主者陰觀其所合以名命之既得其名又合著而復分之陽則置右而揲左陰則置左而揲右生純置右成純置左揲之以七所揲之餘爲所得之變觀其吉凶

臧否平而決之陽則用其顯陰則用其幽幽者吉凶臧否與顯
戾也欲知始終中者以所筮之時占之先體爲始後體爲中所
得之變爲終變已主其大矣又有吉凶臧否平者于變之中復
爲細別也不信不筮不疑不筮不正不筮不順不筮不獨不筮
不誠不筮必獨必誠神靈是聽

張敦實曰虛數七十有五其用七十分二挂一揲之以十先
左後右徐觀其餘以命卦名分客主而定陰陽且如衰之一
卦一爲主二爲客左揲先餘一右揲後餘二是先主後客者
陽若左揲先餘二右揲後餘一是先客後主者陰陽則用其
顯如衰之六吉三凶不易也陰則用其幽與顯戾也如衰之
六吉當爲凶三凶當爲吉也假如元一蠱二容三徒四齊五

生數純者不可分陰陽當置右而揲左造丁考丁并丁又丁
續十成數純者亦不可分陰陽當置左而揲右皆揲之以七
以所揲之餘觀其吉凶臧否平兩

玄以準易虛以擬玄玄且覆瓿而況虛乎其棄必矣然子雲曰
後世復有楊子雲必知玄吾于子雲雖未能知固好之矣安知
後世復無司馬君實乎

張敦實曰有物混成先天地生強而名之是爲道太極元氣
函三爲一衍而伸之是謂數兩儀之所以奠位萬類之所以
成形天下國家之所以致治悉不外乎道與數以溫公平生
著述論之其考前古興衰之迹作爲通鑑自潛虛視之則筆
學也畱心太玄三十年既集諸說而爲註又作潛虛之書自

通鑑視之則心學也今世于筆力之所及者家傳人誦至于心思之所及則見者不傳傳者不習道極于微妙而不見于日用之閒亦何貴乎道哉是故易所謂人道不過乎仁義玄所謂大訓不過乎忠孝虛所謂人務不過乎五十五行仰而推之以配三百六十五度日月不能越一度以周天人不能越一行以全德茲又述作之深意也學者盍以是求之

附錄

范純甫言公初官時年尚少家人每每見其臥齋中忽蹶起著公服執手版危坐久率以爲常竟莫識其意純甫嘗從容問之答曰吾時忽念天下事夫人以天下安危爲念豈可不敬邪

齊記

冷

英宗疾既平皇太后還政公上疏言治身莫先于孝治國莫先于公其言切至皆母子間人所難言者

行狀

呂晦叔曰昨使契丹彼接伴問副使狄諒曰司馬中丞今爲何官諒曰爲翰林兼侍讀其人曰不爲中丞耶問是人甚忠亮

上謂晦叔曰司馬光方直其如迂闊何晦叔曰孔子上聖子路猶謂之迂孟軻大賢時人亦謂之迂闊況光豈免此名大抵處事深遠則近于迂矣願陛下更察之

並目錄

魏公言君實初除樞副竟辭不受時公在魏聞之亟遣人齎書潞公勉之云主上倚重之厚庶幾行道道或不行然後去之可也似不須堅讓潞公以書呈君實君實云自古被這般官爵引得壞了名節爲不少矣後得寬夫書云君實作事今人所不可

及須求之古人

魏公語錄

蒲宗孟論人才及司馬光神宗曰未論別者卽辭樞密一節自朕卽位以來唯見此人靈武失利當寧慟哭歎曰誰爲朕言此者唯公著曾數爲朕告用兵非好事及求宮寮曰莫如司馬光呂公著二人

梓材謹案此晁景迂初見欽宗之言

溫公嘗謂金陵曰介甫行新法乃引用一副眞小人在清要或爲監司何也介甫曰方法行之初舊時人不肯向前因用一切有才力者候法行已成卽逐之卻用老成者守之所謂智者行之仁者守之溫公曰介甫誤矣君子難進易退小人反是若小人得路豈可去也必成難敵他日將悔之介甫默然後果有

賈判公者雖悔之無及

溫公創獨樂園自傷不得與眾同也洛俗春日放園園丁得茶湯錢與主人平分一日園丁呂直納錢十千公令持去再三欲畱公怒乃持去回顧曰只端明不愛錢餘十日呂直創一井亭問之乃用前日公所不受十千也

並元城語錄

潞公謂溫公曰彥博畱守北京遣人入大遼偵事回云見遼主大宴羣臣伶人劇戲作衣冠者見物必攫取懷之有從其後以鞭扑之者曰司馬端明那君實清名在夷狄如此公愧謝

公嘗問康節曰光何如人曰君實腳踏實地人也公深以爲知言康節又曰君實九分人也其重之如此

公居洛嘗同范景仁登嵩頂由轅轅道之龍門涉伊水至香山

憩石樓臨八節灘凡所經從多有詩什自作序曰遊山錄士大夫爭傳之公不喜肩輿山中亦乘馬路險策杖以行故嵩山題字云登山有道徐行則不困措足于平穩之地則不跌慎之哉並言行錄

程氏遺書曰先生每與君實說話不曾放過如范堯夫十件事只爭得三四件便已先生曰君實只爲能受人盡言儘人忤道更不怒便是好處

劉元城曰熙寧初溫公諫用兵不啻棠大意指以富民與貧民鄰居爲喻

又曰金陵以兩府陷溫公不可臺諫黨金陵者遂誣之如霍光事神廟曰司馬光豈有此元祐遂獲其用皆神廟保養成就之

力

又曰微仲堯夫不知君子小人勢不兩立如冰炭故間倖門延入李清臣鄧溫伯去正人易若反掌調停之說果何益平昔溫公爲相蓋知其後必有反覆之禍然生民之患如拯溺救焚何暇更顧異日一身之患

陳忠肅與龜山書曰凡溫公之學主之以誠守之以謙得之十百而守之一二

又答楊游二公書曰司馬文正公最與康節善然未嘗及先天學蓋其學同而不同

汪玉山與何運使書曰溫公有補文中子傳一卷比方得之其所去取畧盡矣此外如所云楊素李德林見之類尤爲可笑論

語于三家必云季康子孟懿子必稱孔子對曰蓋貴貴尊賢其義一也安有身爲布衣而于當時之執政曰素與吾言德林與吾言者哉

朱子曰溫公可謂智仁勇他那泊國救世處是甚次第其規模稍大又有學問其人嚴而正

又曰嘗得溫公易說于洛人范仲彪炳文盡隨六二之中其後闕焉後數年好事者于北方互市得板本喜其復全然無以別其真僞

張南軒曰司馬溫公改新法或勸其防後患公曰天若祚宋必無此事更不論一己利害雖聖人不過如此說近于終條理者矣

劉漫堂廡城學記曰溫公之學始于不妄語而成于腳踏實地
學者明乎是則暗室不可欺妻妾不可罔

魏鶴山師友雅言曰迂叟有言今人所謂文古人所謂辭也古
之所謂文觀乎天文以察時變觀乎人文以化成天下豈辭章
之謂哉堯之文思文王之所以爲文此聖人之文也下此則敏
而好學不耻下問爲孔文子之文

王深寧困學紀聞曰歐陽子之論篤矣而不以天參人之說或
議其失司馬公之學粹矣而王霸無異道之說或指其疵信乎
立言之難

涑水講友

康節邵堯夫先生雍

別爲百源學案

獻公張橫渠先生載

別爲橫渠學案

純公程明道先生顥

別爲明道學案

正公程伊川先生頤

別爲伊川學案

縣令陳先生舜俞

別見安定學案

涑水學侶

祕書劉道原先生恕

劉恕字道原筠州人穎上令渙之子穎上以剛直不能事上官棄去家于廬山之陽歐陽兗公與穎上同年進士也高其節賞作廬山高詩以美之先生少穎悟書過目卽成誦八歲時坐客有言孔子無兄弟者先生應聲曰以其兄之子妻之一坐驚異未冠舉進士時有詔能講經義者別奏名先生以春秋禮記對

先列註疏次引先儒異說末乃斷以己意凡二十問所對皆然
主司異之擢爲第一先生強記博聞于書無所不覽精史學司
馬溫公修資治通鑑奏請同編修先生時爲和川令入贊史館
凡魏晉以後事尤考證精詳溫公悉委而取決焉與王荊公有
舊欲引修三司條例先生以不習金穀爲辭因言天子方屬公
大政宜恢張堯舜之道以佐明主不應以利爲先荊公怒與之
絕溫公出知永興軍先生以親老告歸南康乞監酒稅以就養
許卽官修書溫公判西京御史臺先生奏請詣西京贊修道得
風孿疾右手足廢然苦學如故少閒輒編次病亟乃止官至祕
書丞卒年四十七先生爲學自歷數地理官職族姓至前代公
府案牘皆取以審證求書不遠數百里身就之讀且鈔殆忘寢

食偕溫公游萬安山道旁有碑讀之乃五代列將人所不知名者先生能言其行事始終歸驗舊史信然宋次道知亳州家多書先生枉道借覽留旬日盡其書而去目爲之翳著十國紀年四十二卷包犧至周厲王疑年譜共和至熙寧年畧譜各一卷通鑑外紀十卷

參史傳

謝山通鑑分修諸子攷曰胡梅闢曰溫公修通鑑漢則劉攽三國迄于南北朝則劉恕唐則范祖禹此言不知其何所據予讀溫公與醇夫帖子始知梅闢之言不然帖子曰從唐高祖初起兵修長編至哀帝禪位止其起兵以前禪位以後事于今來所看書中見者亦請令書吏別用草紙錄出每一事中闕空一行許以備翦黏隋以前與貢父梁以

後與道原令各修入長編中蓋緣二君更不看此書若足
下止修武德以後天祐以前則此等事迹盡成遺棄也觀
于是言則貢父所修蓋自漢至隋而道原任五代明矣蓋
貢父兄弟嘗著漢釋而道原有十國紀年故溫公卽其平
日所長而用之而梅磻未之攷也貢父所修一百八十四
卷醇夫所修八十一卷道原所修二十七卷而當時論者
推道原之功爲多何也蓋溫公平日服膺道原其通部義
例多從道原商榷故分修雖止五代而實係全局副手觀
道原子義仲所紀可見也義仲曰當時訪問疑事每卷皆
數十條不能盡紀紀其實正舊史之謬者然則道原之功
誠多矣

附錄

晁景迂與劉壯輿書曰十五六時在淮南立侍先丈之側蒙戒告無從妖學無讀妖言至今白首奉之不忘

祖望謹案道原每言荆公面帶妖氣

汪玉山與呂逢吉曰劉道原蘇子由皆疑周官子由以爲非周公之完書則可而道原詆之過矣孟子言諸侯去籍則所傳自非完書在慎擇之不可盡以爲不然

舍人劉公非先生啟

別見廬陵學案

涑水同調

中丞呂獻可先生誨

呂誨字獻可開封人正惠公端之孫也幼孤自力爲學家于洛

陽性沈厚不妄交洛陽士人往往不之識進士及第累官權御史中丞是時王荊公以侍臣棄官家居朝野稱其材以爲古今少倫天子引參大政眾皆喜于得人先生獨以爲不然曰安石好執偏見天下必受其禍眾莫不怪之居無何荊公恃其材棄眾任己厭常爲苛多變更祖宗法專汲汲斂民財所愛信引拔多非其人天下大失望先生屢爭不能得乃抗章悉條其過失且曰悞天下蒼生必此人如久居廊廟必無安靜之理又曰天下本無事但庸人擾之上遣使諭解先生執之愈堅乃罷中丞出知鄧州先生三居言責皆以彈奏大臣而去及荊公行新法司馬溫公始服其先見居洛病困目已瞑溫公往視之先生張目曰天下事尚可爲君實勉之

參溫公傳家集

忠文范景仁先生鎮

正獻呂晦叔先生公著

並爲范呂諸儒學案

龍學李公擇先生常

別見范呂諸儒學案

謫簡趙先生瞻

趙瞻字大觀其先亳州永城人徙鳳翔之蓋屋元祐三年累擢
樞密直學士簽書樞密院事明年以中大夫同知院事五年卒
贈銀青光祿大夫諡曰謫簡先生寬仁愛人色溫氣和人以爲
長者紹聖中以傳會元祐諸臣追奪所贈官列于黨籍

參史傳

獻簡傅先生堯俞

傅堯俞字欽之須城人徙居濟源先生十歲能文未冠登第重
厚寡言過人不設城府人不忍欺論事君前畧無回隱退與人

言不復有矜異色元祐四年累拜中書侍郎六年卒宣仁后謂輔臣曰傳侍郎清直一節始終不變金玉君子也方倚以爲相遽至是乎贈銀青光祿大夫諡曰獻簡司馬溫公嘗謂邵康節曰清直勇三德人所難兼吾于欽之畏焉康節曰欽之清而不耀直而不激勇而能溫是爲難耳紹聖中以元祐黨人奪贈諡著名黨籍後黨錮解下詔褒贈錄其子

同上

溫靖孫先生固

孫固字和父管城人元祐二年知樞密院事累官右光祿大夫五年卒贈開府儀同三司諡曰溫靖先生宅心誠粹不喜矯亢與人居久而益信故更歷夷險而不爲人所疾嘗曰人當以聖賢爲師一節之士不足學也又曰以愛親之心愛其君則無

不盡矣傳獻簡言司馬公之清節孫公之淳德蓋所謂不言而信者也世以爲確論紹聖時奪遺澤元符二年奪所贈官列元祐黨籍政和中徽宗以先生嘗爲神宗宮僚特出籍悉還所奪同上

修撰李先生周

李周字純之馮翊人登進士調長安尉轉洪洞令有善政神宗時以司馬溫公薦召至訪以御選之術哲宗立累改集賢殿修撰紹聖中迫貶賀州別駕復舊職先生自爲小官沈晦自匿未

嘗私謁執政

同上

涑水家學

諫議司馬先生康

司馬康字公休溫公子也

雲滌案溫公無子以族人子幼端謹公休爲之子見邵氏聞見錄

不妄言笑事父母至孝敏學過人博通古書以明經上第溫公修資治通鑑奏檢閱文字丁母憂勺飲不入口三日毀幾滅性溫公居洛士之從學者退與先生語未嘗不有得塗之人見其容止雖不識皆知其爲司馬氏子也以韓絳薦爲祕書由正字遷校書郎溫公薨治喪皆用禮經家法不爲世俗事得遺恩悉以與族人服除召爲著作佐郎兼侍講上疏言比年以來旱暵爲虐民多艱食若復一不稔則公私困竭盜賊可乘願及今秋熟令州縣廣糴民食所餘悉歸于官今冬來春令流民就食候鄉里豐穰乃還本土誠能捐數十萬金帛以爲天下大本則天下幸甚拜右正言以親嫌未就職爲哲宗言前世治少亂多祖

宗創業之艱難積累之勤勞勸帝及時嚮學守天下大器且勸太皇太后每于禁中訓迪其言切至邇英進講又言孟子于書最醇正陳王道尤明白所宜觀覽帝曰方讀其書尋詔講官節以進先生自居父喪居廬疏食寢于地遂得腹疾至是不能朝謁賜優告疾且殆猶具疏所當言者以待曰得一見天子極言而死無恨使召醫李積于禿積老矣鄉民間之往告曰百姓受司馬公恩深今其子病願速往也來者日夜不絕積遂行至則不可爲矣年四十一而卒公卿嗟痛于朝士大夫相弔于家市井之人無不哀之詔贈右諫議大夫先生爲人廉潔口不言財初溫公立神道碑帝遣使賜白金二千兩先生以費皆官給辭不受不聽遣家吏如京師納之乃止

參史傳

楊林謹案溫公令先生從學于范華陽詳見謝山所作正獻傳

附錄

姚福曰溫公平生不喜孟子以爲僞書出于東漢因作疑孟論而其子公休乃曰孟子爲書最善直陳王道尤所宜觀至疾甚革猶爲孟子解二卷司馬父子同在館閣而其好尚不同乃如此然以父子至親而不爲苟同亦異乎阿其所好者矣

縣令司馬先生宏

司馬宏文正兄伯康之子也官陳留令紹聖黨事起以上書論

辯得罪

參史傳

司馬先生植

別見百源學案

忠潔司馬先生朴

司馬朴字文季文正從孫陳留令宏之子少育于外祖范忠宣公忠宣責永州疾失明客至必令先生導以見時方七歲進退應對如成人客皆驚歎以忠宣遺恩爲官父死徒跣負柩還調晉寧參軍入爲虞部員外郎都城陷欽宗以爲兵部侍郎金人挾之北去後王倫使還言金命先生爲行臺左丞辭而止後卒于真定詔贈兵部尚書諡曰忠潔

參史傳

司馬先生通國

司馬通國忠潔之子也忠潔使金金授以尚書左丞不屈然猶縱其出入而生先生名通國字武子取蘇武之意也先生有大志結北方之豪韓玉欲舉事紹興初玉南歸授江淮督府計議官玉兄璘尚在北張忠獻公因遣張蚪侯澤密往大梁結之并

致意先生次年復遣使行至亳州邏者得之先生同謀三百餘口俱死時金太子以都元帥守大梁乘十六傳而至將以三月十六日受任先生謀帥壯士劫之既得則舉事結約者三萬餘人而先五日事已洩忠獻欲待入朝爲請卹會罷不果
涑水門人

忠定劉元城先生安世

別爲元城學案

正獻范華陽先生祖禹

別爲華陽學案

詹事晁景迂先生說之

別爲景迂學案

節孝歐陽先生中立

歐陽中立袁州人初試部郎上書言新法不便以司馬溫公門下坐廢遂不復起卒弟子私謚節孝先生

參江西人物志

別駕樊先生資深

樊資深字逢源溫文正公弟子也皇祐制科入仕累官潞州別駕剛介博洽居家力行任卹之惠

簽判田先生述古

別見安定學案

學官尹先生材

尹材字處初洛人和靖之叔嘗遊溫公康節之門溫公入相先生以遺逸薦爲學官康節所謂洛中三賢之一也

從黃氏補本錄入

雲濠謹案此傳蓋自和靖學案和靖傳中節錄爲傳故于彼傳刪去溫公入相以下二十餘字

教授張先生雲卿

張雲卿字伯紀洛陽人也學問該洽于經書無不讀時洛中三

處士田述古明之尹材處初與先生也司馬溫公居洛訪士于
康節以三人對已而田尹皆得遊溫公之門先生未見康節以
問溫公曰田尹之賢信如先生言張君則或傳其旅殯父棺于
和州而久不省故未敢與見康節歎曰張君孝子也其父以謫
官死和州貧不能歸因寓其喪奉母歸洛貧甚府尹哀之俾爲
國子監說書得月俸七千以養若爲和州之行當數月罷俸則
母饑矣故不往也溫公悵然曰光幾誤聽于是先生得見溫公
未幾先生母死徒步至和迎父柩歸葬焉溫公入相田尹以遺
逸先生以累舉特恩同除學官世以康節能成人文潞公之在
洛也經史注疏或有遺忘必多從先生質之

、李先生陶

李陶字唐父蜀人待制大臨子從司馬公于洛當時大老皆喜之在錢塘東坡送之詩云忠文文正二大老蘇李廣平三舍人

喜見通家賢子弟因言得邑少風塵其趣遠矣

參氏族譜

梓材謹案泰山學案焉信道傳稱先生學于溫公最賢而通經是先生固陳水高第也

一邢先生居實

別見安定學案

牛先生師德

別見百源學案

陳水私淑

一忠肅陳了翁先生瑾

別爲陳鄒諸儒學案

一監稅唐先生廣仁

別見陳鄒諸儒學案

司業黃先生隱

黃隱字從善初名降莆田人第進士甲科元豐中侍御史召對

神宗問以學術時尊尚王氏而先生以司馬溫公對不稱旨元祐初守國子司業力排王氏新語取三經板火之爲呂陶等所攻出守泗州歷監司郡守凡七任坐尊司馬氏學入元祐黨籍靖康初追贈直龍圖閣

梓材謹案謝山鮑琦亭集外編有記制公三經新義篇言及先生焚書事詳見九十八卷新學畧

道原家學

宣教劉漫翁先生義仲

劉義仲字壯與筠州人道原之子也幼敏慧博洽嘗摘歐陽公五代史誤作糾繆司馬溫公以其父有修通鑑功乞蔭其子補郊社齋郎清介有父風歷鉅野德安簿政和閒以蔡京薦召爲宣教郎編修官至京師絕不造謁一人昌言曰吾但知天子有

命不知有薦我者竟棄官歸廬山自號漫浪翁

參江西人物志

孫氏家學

學士孫先生朴

孫朴字元忠呂正獻所薦館職也嘗對榮陽公譏笑程正叔公云正叔有多少好事公都不說只揀他疑似處非笑何也元忠釋然心服不敢復議正叔蓋其服義亦少有也

梓材謹案先生爲溫靖長子由榮陽學案榮陽公說移爲之傳又案厚德錄載其官學士嘗爲呂居仁言元祐開事與此畧同

尹氏家學

陳水再傳

肅公尹和靖先生惇

別爲和靖學案

陳水續傳

隱君陸道鄉先生賀

陸賀字道鄉金溪人生有異稟端重不伐究心典籍見于躬行
酌先儒冠昏喪祭之禮行之家家道之整肅聞州里六子梭山
復齋象山其最著者也

參象山文集

獻靖朱草齋先生松

別見豫章學案

文簡李巽巖先生諱

李諱字仁甫丹稜人紹興八年進士第知雙流縣以餘暇力學
先生恥讀王氏書獨博極載籍披羅百氏慨然以史自任倣司
馬溫公資治通鑑例斷自建隆迄于靖康爲編年一書名曰長
編浩大未畢仍效溫公體爲百官公卿表史官以聞詔給札來
上乾道四年上續通鑑長編自建隆至治平凡一百八卷歷權

禮部侍郎請正太祖東嚮之位駕幸太學論兩學釋奠從祀孔子當升范仲淹歐陽修司馬光蘇軾黜王安石父子從祀武成王當黜李勣祿議不叶止黜王劣而已眞拜侍郎兼工部出知常德遂寧長編全書成上之詔藏祕閣先生自謂此書寧失之繁無失之畧故一祖八宗之事凡九百七十八卷卷第總目五卷上謂其書無愧司馬遷進敷文閣待制同修國史薦尤袤劉清之等十人爲史官淳熙十一年乞致仕病革口占遺表云臣年七十死不爲天所恨報國缺然願陛下經遠以藝祖爲師用人以昭陵爲則辭氣舒徐乃卒贈光祿大夫先生性剛大特立獨行早著書秦桧當路檣死始聞于朝旣在從列每正色以訂國論張宣公嘗曰李仁甫如霜松雪柏無嗜好無姬侍不殖產

平生生死文字閒長編一書用力四十年葉水心以爲春秋以後纔有此書有易學五卷春秋學十卷五經傳授尚書百篇圖大傳雜說各一卷七十二子名籍考一卷文集五十卷奏議三十卷四朝史槩十卷通論十卷南北攻守錄三十卷七十二候圖陶潛新傳并詩譜各三卷歷代宰相年表唐宰相譜江左方鎮年表晉司馬光本支齊梁本支王謝世表五代將帥年表合爲四十一卷論文簡累贈太師溫國公

參史傳

黃氏續傳

侍郎黃先生補

黃黼字元章餘杭人隱之曾孫乾道間進士遷太常博士輪對稱旨進祕書郎尋除兩浙轉運副使時毘陵民饑取糟粃雜草

根爲食郡縣不以聞先生取民食以進乞捐僧牒緡錢濟之全活甚眾仕至權兵部侍郎

參姓譜

道鄉家學

從政陸先生九思

陸九思字子彊梭山長兄也預鄉舉封從政郎有家問朱子爲之序梭山撰行狀畧云家問所以訓飭其子孫者不以不得科舉爲病而深以不識禮義爲憂其慇懃懇切反覆曉譬說盡事理無一毫勉強緣飾之意而慈祥篤實之氣藹然諷味數回不能釋手云

參象山年譜

修職陸庸齋先生九臯

陸九臯字子昭梭山第三兄少力學文行俱優預鄉舉晚得官

終修職郎監潭州南嶽廟先生率諸弟講學從遊者多有聞嘗
名其所居齋曰庸學者因號庸齋先生卒年六十七象山表其
墓稱先生持論根據經理恥穿鑿之習壯年以呂氏次序大學
章句猶有未安于是自爲次序著有文集

參象山文集

梓材謹案先生率諸弟講學是三陸之學固皆導于先生也

隱君陸梭山先生九部

文達陸復齋先生九齡

並爲梭山復齋學案

文安陸象山先生九淵

別爲象山學案

巽巖家學

文懿李雁湖先生壁

文肅李悅齋先生重

並見嶽麓諸儒學案

庸齋門人

通判劉淳叟堯夫

別見槐堂諸儒學案

宋元學案卷八終